

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 08.05.2018թ. թիվ 1808025889 որոշումն անփոփոխ, իսկ վարչական բողոքն առանց բավարարման թողնելու մասին

<<29>> 06 2018թ. 17-13-58644-18/17-13-5056

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Հակոբ Քոչարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դավթաշեն 1 թաղամասի 35 շենքի 22 բնակարանի բնակիչ Հակոբ Քոչարյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 1808025889 որոշմանը՝ նշելով, որ այդ օրերին Երևան քաղաքում խաթարված էր երթևեկությունը և հնարավոր չէր պահպանել երթևեկության կանոնները:

Դիմումի քննարկման արդյունքում պարզվել է, որ վարչական տույժ նշանակելու մասին թիվ 1808025889 որոշումը վերանայման ենթակա չէ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84-րդ կետի 6-րդ ենթակետի՝ **կանգառն արգելվում է խաչմերուկներում, երթևեկելի մասերի հատման վրա և հատվող երթևեկելի մասի եզրից 5 մ պակաս վայրում**՝ բացառությամբ երթևեկելի մասերի եռակողմ հատման հոծ գծով կամ բաժանարար գոտիով առանձնացված կողմի վրա (շարունակություն չունեցող կողմի դիմաց):

Իրավախախտումն ամրագրած տեսանյութից հստակ երևում է, որ դիմումատուին պարկանող տրանսպորտային միջոցը տեղակայված է հատվող երթևեկելի մասի եզրից 5մ-ից պակաս վայրում:

Ինչ վերաբերվում է դիմումատուի այն պնդմանը, որ այդ օրերին Երևան քաղաքում հնարավոր չէր պահպանել երթևեկության կանոնները, ապա վիճարկվող որոշման հիմքում դրված տեսանյութում երթևեկությունը խաթարված լինելու մասին որևէ դրվագ չկա, այսպիսով դիմումատուի կողմից նշված պատճառաբանությունը արժանահավատ համարել հնարավոր չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808025889 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել վարչական ատարան՝ օրենքով սահմանված կարգով և ժամկետներում:
3. Որոշման օրինակն ուղարկել Հակոբ Քոչարյանին:

